

Marmoutier Cartulaire blésois, 23

Notum fiat successoribus nostris quod presbiter quidam de castro Lauarzini, Herbertus nomine, compunctus divinitatis amore, dedit sancto Martino M. M. in augmentum scilicet rerum quibus fratres ibidem omnipotenti Deo famulantes sustentantur, unam manufirmam sub institutione census annuatim reddendi, consistentem apud villam quae Noientum appellatur. Soluit itaque haec manufirma solidorum censum duorum, die festivitatis sancti Georgi, VIII Kalendas maii. Si vero minister sancti Martini tardus aut negligens inde fuerit, salva donatione, census legaliter emendetur. Ut autem huius manufirme concessio firmior haberetur, testium qui affuerunt eam subter insertis nominibus affirmavimus.

S. Herberti presbiteri, qui hanc manufirmam sancto Martino contulit.